

Gveihlingzgauh Vuzcouh

□ Dangz Yuzngingh cingjleix



▲ Boiq gijgwn gveihlingzgauh.



▲ Doenghgij hongdawz cojcienz guh gveihlingzgauh.



▲ Doenghgij doenghyiengh aeu oemq song ngoenz bae.



▲ Dak gyap duzgvi.

Gveihlingzgauh dwg gijgwn baenzyw cojcienz haujlai nanz lo, dwg cungj gijgwn bauj ndang ndei gag baenz saekndaem haenx, caemhcaiq baengh doenghgij boiqfueng caeuq dinfwngz cauhyuh cojcienz haenx ndaej cienz daengz seizneix.

Gveihlingzgauh baenzlawz guh baenz ne? Doenghgij mbaek gonqlaeng gvendaengz cauhyuh gveihlingzgauh couhwdg: Aeu doenghgo ywdoj daeuj, genj ndei, swiqseuq, gya raemx cawj song mbat, sauz song mbat aeu raemxyw seuq, coq dangzoi, dangzrwi, raemx doenghgo yw daengj itheij, doxgyaux yinz bae, gya hawj de lai ndat, hawj de gyoet roengzdaeu.

Gveihlingzgauh aeu duz gvibakromh caeuq dojfuklingz guh doenghyiengh goek, gya geijcib cungj ywdoj doengzcae oemq baenz. Duz gvibakromh dwg cungj ywdoj dijbauj youh bengz ndeu, ndaej siu ndat gaij doeg; dojfuklingz ndaej cawz mbaeq. Cawzle song cungj yw daeuz neix, caiq boiq coq swngghdi(goyw), golinzgaeq, vangaenz daengj lai cungj ywdoj, hawj yw lai rengz lai haenq. Aeu doenghgij doenghyiengh neix

daeuj guh baenz gveihlingzgauh, miz haujlai yungh, couhwdg siu ndat gej doeg, cawz doeg hwnj noh, ciengx raemxndang bouj makvunz, bauj ndang lai ndei hawj naj naengnoh lai oq lai ndeiawj daengj.

Gveihlingzgauh Vuzcouh ndawde miz haujlai cungj gvangvuzviz dwg ndangvunz aeu miz haenx, feihdauh mizdi haemz youh van, gwn haeuj bak bae raeuzraed youh soengsup, miz ndat daemq, lauz noix, danjgucunz siuj daengj daegdiemj, ndaej hawj hezcih caeuq hezdangz gag ndaej ngamjndei.

Doenghgij feihdauh gveihlingzgauh miz cib lai cungj, vunz gwn cungj feihdauh bonjmiz caeuq feihdauh naijcaz haenx ceiq lai. Gij gveihlingzgauh feihdauh bonjmiz haenx mizdi haemz, gya di dangzrwi, raemxyehswj, cijlien (cijcwz roxnaeuz cijyiengz ginggvaq gyagoeng baenz cungj cij ndaej ce lai nanz haenx), roxnaeuz gya di lwgmak ndeu coq, couh lai baenzgwn.

Mbagveihlingz baenzlawz guh baenz gijgwn? Aeu raemxraeuj coq mba gyaux baenz gwd, liuxle gya

raemxgoenj coq, ce daengz gyoet liux gya dangzrwi, dangz roxnaeuz cijlien couh gwn ndaej lo. Seizndat ne lai guh di, coq ndaw binghsiengh bae gyoet, couh lai baenzgwn.

Ciuhmingz doxdaeuj, gveihlingzgauh Vuzcouh gonqlaeng ndaej dangguh ywdoj, gijgwn baenzyw ndawbiengz, gijgwn iq daegsaek dangdieg daengj, hwnghat ginggvaq lai duenh lo, gyoengqvunz Guengidoeng, Guengjsae, rangh baihdeng Cungguk vanzlij Dunghnanzya haenx gyaenz gwn; ndaej gai doh lajmbwn bae, gyawj gyaenz cungj okmingz.

Aenvih cungj canjbij daegbied neix dijbauj lai, 2007 nienz 5 nyied Gozgyah Cizgenj Cunggiz ginggvaq lai baez cazyawj, doengzeiq dawz Vuzcouh gveihlingzgauh dangguh cungj canjbij hauhbiu diegdeih ndeu henhoh hwnjdaeu. Bi 2007, Vuzcouh gveihlingzgauh ginggvaq Gvangjsih Bouxcuengh Swcigih Yinzminz Cwngfuj doengzeiq, ndaej liedhaeuj daih' it buek swcigih gaep feihvuzciz vwnzva yizcanj mingzloeg.



▲ Gveihlingzgauh hungzcauj laeujvan.



▲ Gveihlingzgauh raemxrouh.



▲ Gveihlingzgauh dwg gijgwn baenzyw Vuzcouh cojcienz haujlai nanz lo.



▲ Aeu gveihlingzgauh guhgoek guh baenz lai cungj gijgwn iq ndeiawj youh baenzgwn.



▲ Coq ndaw binghsiengh gyoet le, lai baenzgwn.



▲ Gveihlingzgauh gaeng baenz Vuzcouh cungj canjbij mizmingz.